



**ACTA DA SESIÓN ORGANIZATIVA DO PLENO DA CORPORACIÓN DO 22  
DE XUÑO DO 2023**

No Salón de Plenos da Casa do Concello de Monforte de Lemos, o día vinte e dous de xuño do dous mil vinte e tres, reúnen-se os membros do Pleno da Corporación co obxecto de celebrar sesión organizativa convocada para dito día ás vinte horas, dando comezo ás vinte horas.

**Preside o Sr. Alcalde:** D. José Tomé Roca (Grupo Socialista).

**Asisten:**

**Sres/as. Concelleiros/as:**

**Grupo municipal Socialista:** Dna. Gloria M<sup>a</sup> Prada Rodríguez, D. Iban Torres Rodríguez, D. José Luis Losada Fernández, Dna. Marina M<sup>a</sup> Douton Rajo, D. José Manuel Mougán Sobredo, Dna Regina López Arias, D. Guillermo Díaz Aira e Dna. Margarita López Rodríguez.

**Grupo Municipal do Partido Popular:** Dna. Katherinie Varela Fernández, D. José Luis Rodríguez Varela, D<sup>a</sup> María Luisa Vázquez López, D. Victor Manuel Rodríguez López.

**Bloque Nacionalista Galego:** D. Emilio José Sánchez Iglesias e D. Manuel Luaces Fernández.

**Esperta Monforte:** Dna. Jaime Germán Vázquez Pérez.

**Interventora acctal.:** Dna. María Inmaculada Buján Arias.

**Secretario:** D. José Antonio Mourelle Cillero, que dá fe do acto.

O Sr. Alcalde abre a sesión e dispón que se proceda a tratar os asuntos da orde do día.

**ORDE DO DÍA:**

- 1. ACTA ANTERIOR, CORRESPONDENTE Á SESIÓN CONSTITUTIVA DO 17 DE XUÑO DE 2023.**



Toma a palabra o Sr. Alcalde sobre as correccións realizadas na acta. Sometido a votación do Pleno, por unanimidade, acorda aprobar a Acta da sesión constitutiva da Corporación municipal, do 17 de xuño de 2023.

## **2. DACIÓN DE CONTA DA CONSTITUCIÓN DOS GRUPOS MUNICIPAIS.**

Dáse conta ao Pleno, para os efectos do previsto no art. 25 do ROF, de que se presentaron, na Secretaría Xeral da Corporación municipal, de acordo co art. 24 de dita norma, os escritos correspondentes asinados por tódolos integrantes dos mesmos, para a constitución dos Grupos políticos municipais, canle para a actuación corporativa dos membros da Corporación municipal, segundo dispoñen o art. 73.3 da Lei 7/1985 e o art. 23 do ROF.

De resultas de ditos escritos, os Grupos políticos que se constitúen no Concello de Monforte de Lemos son os que figuran, a continuación, cos seus integrantes:

### **GRUPO MUNICIPAL SOCIALISTA**

Integrantes: D.JOSÉ TOMÉ ROCA, DNA. GLORIA M<sup>a</sup> PRADA RODRIGUEZ, D.IBÁN TORRES RODRÍGUEZ, DNA. MARÍA DEL PILAR ESPINOSA NOVELLE, D.JOSÉ LUIS LOSADA FERNÁNDEZ, DNA .MARINA MARÍA DOUTON RAJO, D. JOSÉ MANUEL MOUGÁN SOBREDO, D<sup>a</sup> REGINA LOPEZ ARIAS, D. GUILLERMO DÍAZ AIRA E D<sup>a</sup> MARGARITA LÓPEZ RODRÍGUEZ.

### **GRUPO MUNICIPAL DO PARTIDO POPULAR**

DNA. KATHERINIE VARELA FERNÁNDEZ, D. JOSÉ LUIS RODRÍGUEZ VARELA, D<sup>a</sup> MARÍA LUISA VÁZQUEZ LÓPEZ e D. VICTOR RODRÍGUEZ LÓPEZ

### **GRUPO MUNICIPAL DO BLOQUE NACIONALISTA GALEGO**

D.EMILIO JOSÉ SÁNCHEZ IGLESIAS E D. MANUEL LUACES FERNÁNDEZ.

### **GRUPO MIXTO-ESPERTA MONFORTE-INTERIOR GALEGO VIVO**

D. JAIME GERMÁN VÁZQUEZ PÉREZ

## **3. PERIODICIDADE DAS SESIÓNS DO PLENO.**



Toma a palabra o Sr. Alcalde dicindo que a proposta é a mesma que nos derradeiros anos, que sexa un pleno cada mes, neste caso podería ser cada dous meses, e neste caso se convocaría ás oito da tarde como ven sendo habitual.

Intervén D<sup>a</sup> Katherinie Varela pon de manifesto a valoración a opción da creación dun expediente electrónico para que poidan entrar con contraseña os diferentes concelleiros da Corporación e así poidan ter máis ordenados os puntos a tratar en diferentes plenos, que non se envíen un correo como se están enviando toda a documentación e ás veces costa un pouco ordealos.

En base á proposta do expediente da sesión apróbase por unanimidade dos concelleiros/as do Grupo municipal Socialista, do Grupo municipal do PP, do Grupo Municipal do BNG e do Grupo Municipal Grupo Mixto-Esperta Monforte.

#### ACORDO

PRIMEIRO.- A periodicidade do Pleno ordinario será mensual, sen prexuízo de que non se celebre no mes de agosto. Cúmrese co previsto no art. 46.2.a) da Lei 7/1985.

SEGUNDO.- O día de celebración da sesión ordinaria do Pleno será o último luns de mes, agás no mes de agosto que non haberá pleno ordinario. A hora da convocatoria será ás 20 horas (oito da tarde) durante todo o ano. O primeiro pleno ordinario será no mes de xullo.

Sometido a votación apróbase por unanimidade dos concelleiros/as do Grupo Municipal do PSOE, dos concelleiros/as do Grupo municipal do PP, dos concelleiros do Grupo Municipal do BNG e do concelleiro do Grupo Municipal Grupo Mixto-Esperta Monforte.

#### **4. CREACIÓN E COMPOSICIÓN DAS COMISIÓNS INFORMATIVAS.**

Toma a palabra o Sr. Alcalde dicindo que a proposta que se trae é a mesma que había, se vostede fixeron os números verán que os dez concelleiros e conceleliras das comisións. o'ns sae un reparto de 6 para o grupo municpa socialita, dous para o grupo popular e un para o grupo de Esperta Monforte e BNG. Por outra banda, é crear dúas comisións, unha de asuntos xerais, e outra que obrigatorio creala por lei.



Intervén D. Emilio José Sánchez dando a benvida a todos di que eles están de acordo coas dúas comisións, de feito xa presentaron quen participarían nas comisións. Entende que nas comisións informativas deben participar todos nas comisións sendo o seu voto favorable.

Intervén D<sup>a</sup> Katherinie Varela dicindo que xa teñen claro quenes participarán nas comisións se quere que diga agora ou se presenta por escrito.

En base á proposta do expediente da sesión, o Pleno aproba por maioría, con dezaseis votos a favor dos concelleiros/as do Grupo Municipal do PSOE, dos concelleiros/as do Grupo municipal do PP e dos concelleiros do Grupo Municipal do BNG e unha abstención do concelleiro do Grupo Municipal Grupo Mixto-Esperta Monforte, e adopta o seguinte

#### ACORDO

PRIMEIRO.- Crear as seguintes Comisións Informativas permanentes no Concello de Monforte de Lemos:

- 1. Comisión informativa Xeral de Asuntos do Pleno.**
- 2. Comisión informativa de Economía e Facenda e Comisión Especial de Contas (art. 127.3 do ROF).**

SEGUNDO.- Fixar, como composición das mesmas, un número de dez membros para cada unha, seis do Grupo Socialista, dous do Grupo do PP, un do BNG e un de Esperta Monforte, que corresponde decidir a cada Grupo.

Sometido a votación apróbbase por maioría con dezaseis votos a favor dos concelleiros/as do Grupo Municipal do PSOE, dos concelleiros/as do Grupo municipal do PP, dos concelleiros do Grupo Municipal do BNG e unha abstención do concelleiro do Grupo Municipal Grupo Mixto-Esperta Monforte.

#### **5. NOMEAMENTO DE REPRESENTANTES DA CORPORACIÓN EN ÓRGANOS E ENTIDADES.**

Toma a palabra o Sr. Alcalde dicindo que na proposta que foi remitida na páxina dúas, falta a Escola Oficial de Idiomas, advirte dese erro.



Intervén D. Jaime Germán Vázquez pregunta si este da Escola de Idiomas lle corresponde ao Bloque Nacionalista Galego.

Intervén D. Emilio José Sánchez di que foi el quen puxo en alerta este erro, supón que esa representación sería ligada ao seu grupo.

Intervén o Sr. Alcalde dicindo que a Escola Oficial de Idiomas non sabe porque ten que pertencer ao BNG; todos os colexios están ocupados pola oposición, que colexio queda para o PSOE, esta proposta xa a teñen que é a compañeira Marina, polo tanto é para o Partido Socialista.

Intervén D. Emilio José Sánchez dicindo que non pretende crear polémica e se o alcalde decide así, por ben está.

Vista a proposta do expediente da sesión, o Pleno por maioría, con catorce votos a favor dos concelleiros/as do Grupo Municipal do PSOE e dos concelleiros/as do Grupo Municipal do PP, e tres abstencións dos concelleiros do Grupo Municipal do BNG e do concelleiro do Grupo Municipal Grupo Mixto-Esperta Monforte, adopta o seguinte

#### ACORDO

A representación municipal nos diversos órganos e entidades dos que forma parte, será a seguinte:

##### A) ÓRGANOS.-

##### a) De funcionamento no propio Concello:

- **Mesa Local do Comercio.** Representante art.5.c) do Decreto 183/2011: D. José Tomé Roca ou concelleiro/a en quén delegue.
- **Xunta Local de Seguridade.** O Real Decreto 1087/2010, que a regula, prevé que sexa o Alcalde quen designe a representación municipal.
- **Comisión da Escola Infantil Municipal.** O Alcalde, ou concelleiro/a en quén delegue.
- **Consello Escolar do Conservatorio (municipal) Profesional de Música "Mestre Ibáñez".** O Alcalde, ou concelleiro/a en quén delegue.
- **Instituto Municipal de Drogodependencias.** O Alcalde ou concelleiro/a en quén delegue.



b) De funcionamento alleo ao Concello:

- Consello Escolar do Centro de Educación Especial “Infanta Elena”.
- Consello Escolar da Escola Oficial de Idiomas de Monforte de Lemos.
- Consello Escolar do I.E.S. Río Cabe.
- Consello Escolar do I.E.S. A Pinguela.
- Consello Escolar do I.E.S. Daviña Rei
- Consello Escolar do CEIP A Gándara.
- Consello Escolar do CEIP de Monforte de Lemos (Colexio Novo).
- Comisión de Concertos Educativos.

Son oito órganos. A proposta é de que a representación neles se faga da seguinte maneira:

- IES RÍO CABE, Partido Popular
- IES DAVIÑA REI, Partido Popular
- COLEXIO NOVO, Partido Popular
- CEIP A GÁNDARA, Partido Popular
- IES A PINGUELA, Bloque Nacionalista Galego
- CEE INFANTA ELENA, Esperta Monforte
- ESCOLA OFICIAL DE IDIOMAS, Partido Socialista.

B) ENTIDADES.-

- **UNED. Aula de Monforte de Lemos do Centro Asociado de Lugo.** O Alcalde ou concelleiro/a en quén delegue.
- **Consortio de Turismo Ribeira Sacra.** O Alcalde ou concelleiro/a en quén delegue.
- **Rede de Xuderías.** O Alcalde ou concelleiro/a en quén delegue.
- **Comisión Territorial do Patrimonio Histórico Galego.** O Alcalde ou concelleiro/a en quén delegue.
- **Consortio provincial de Lugo para a prestación do Servizo contra Incendios e Salvamento.** O Alcalde ou concelleiro/a en quén delegue.
- **Fundación dos Ferrocarrís de Galicia.** O Alcalde ou concelleiro/a en quén delegue.
- **Fundación Instituto da Construción do Val de Lemos.** O Alcalde ou concelleiro/a en quén delegue.

A representación do Concello de Monforte en outros órganos e entidades non comprendidas na relación anterior, será atribuída ao Sr. Alcalde, sen prexuízo das delegacións que poida efectuar.

Sometido a votación apróbase por maioría con catorce votos a favor dos concelleiros/as do Grupo Municipal do PSOE, dos concelleiros/as do Grupo municipal do PP, e tres abstencións dos concelleiros do Grupo Municipal do BNG e do concelleiro do Grupo Municipal Grupo Mixto-Esperta Monforte.

## **6. COÑECEMENTO DAS RESOLUCIÓNS DA ALCALDÍA SOBRE NOMEAMENTOS DE TENENTES DE ALCALDE, MEMBROS DA XUNTA DE GOBERNO LOCAL E DELEGACIÓNS EFECTUADAS.**

Dase conta de decreto da Alcaldía de delegación de atribucións da alcaldía na Xunta de goberno Local, de data 19 de xuño do 2023 que sinala:

“ Nomeados por Decreto da Alcaldía desta mesma data os membros da Xunta de Goberno Local, procede a efectos de dar conta a dito Órgano na súa sesión constitutiva para a súa aceptación regulamentaria, determinar as atribucións propias da Alcaldía que se delegan na Xunta de Goberno Local.

En consecuencia, de acordo cos artigos 21 e 23 da Lei da Lei 7/1985, Reguladora das Bases do Réxime Local, 43, 44 e 114 do Regulamento de Organización, Funcionamento e Réxime Xurídico das Entidades Locais (ROF), aprobado por Real Decreto 2568/1986, e 13 da Lei 4/1999, do Réxime Xurídico das Administracións Públicas e do Procedemento Administrativo Común,

### **RESOLVO**

**PRIMEIRO.-** Delegar na Xunta de Goberno Local as seguintes atribucións:

- A resolución dos expedientes urbanísticos de obras – maiores e menores-, de edificación, de uso do solo e do subsolo, de segregación ou parcelación e de primeira ocupación. O outorgamento das licenzas que neles correspondan.
- A resolución dos expedientes de disciplina urbanística, sancionadores e de reposición da legalidade urbanística. As declaracións de ruína e as ordes de execución.



- A aprobación dos instrumentos de planeamento de desenvolvemento do plan xeral non atribuída expresamente ao Pleno, así como a dos instrumentos de xestión urbanística e dos proxectos de urbanización.
- A resolución dos expedientes de actividades e de apertura de establecementos.
- As autorizacións en dominio público e de utilización de instalacións ou bens municipais, agás as urxentes cuxa resolución non se poida demorar ata a sesión ordinaria da Xunta de Goberno Local. As licenzas: de vaos, entradas por beirarrúas e reservas de vía pública; de taxis e vehículos de aluguer; de animais perigosos.
- As competencias como órgano de contratación respecto dos contratos de obras, de subministración, de servizos, de xestión de servizos públicos, dos contratos administrativos especiais e dos contratos privados, cando o seu importe non supere o 10 por 100 dos recursos ordinarios do orzamento nin, en calquera caso, a contía de seis millóns de euros, incluídos os de carácter plurianual cando a súa duración non sexa superior a catro anos sempre que o importe acumulado de todas as súas anualidades non supere nin a porcentaxe indicada, referida aos recursos ordinarios do orzamento do primeiro exercicio, nin a contía sinalada.
- A adxudicación de concesións sobre os bens municipais e a adquisición de bens inmobles e dereitos suxeitos á lexislación patrimonial cando o seu valor non supere o 10 por 100 dos recursos ordinarios do orzamento nin o importe de tres millóns de euros, así como o alleamento do patrimonio, cando o seu valor non supere a porcentaxe nin a contía indicados.
- A aprobación de proxectos de obras e servizos no marco das competencias para contratación e concesión que quedan indicadas, que estean previstos no orzamento.
- A resolución dos expedientes de responsabilidade patrimonial que se interpoñan contra ou Concello.
- A resolución de expedientes sancionadores.
- Os convenios con outras Administracións Públicas, que non correspondan ao Pleno.
- A aprobación de liquidacións tributarias, de prezos públicos e de calquera ingreso do Concello, tanto individuais como colectivas (padróns), modificacións e aprobación padróns.
- A resolución de expedientes de devolución de ingresos indebidos por anulación de liquidacións.
- A resolución de expedientes de bonificacións e exencións tributarias, que non correspondan ao Pleno.
- A aprobación de gastos e facturas e de propostas de gasto.
- A autorización, e a aprobación da xustificación, de pagos a xustificar e de anticipos de caixa fixa.
- A devolución de garantías constituídas en metálico e a cancelación de avais, seguros de crédito e caución e similares.





- A aprobación da oferta de emprego público de acordo co orzamento e o cadro de persoal aprobados polo Pleno, a aprobación das bases das probas para a selección do persoal e para os concursos de provisión de postos de traballo e a distribución das retribucións complementarias que non sexan fixas e periódicas.
- A aprobación das Bases para a concesión de subvencións, e a resolución sobre a concesión da subvención.

SEGUNDO.- A delegación efectuada ten efectos dende o 26 de xuño do 2023, inclusive, data prevista para a sesión constitutiva da Xunta de Goberno Local, sen prexuízo das preceptivas publicación no Boletín Oficial da Provincia e dación de conta ao Pleno. “

Dase conta de decreto da Alcaldía 893/2023 de nomeamento de membros da Xunta de Goberno, Tenentes de Alcalde e Delegacións especiais de servizos, de data 19 de xuño do 2023 que sinala:

“En sesión celebrada o día 17 de xuño do 2023 quedou constituída a Corporación municipal xurdida das eleccións locais celebradas o día 28 de maio do 2023, e foi elixido Alcalde quen acorda o que neste Decreto se dispón para configurar o goberno, organización e xestión do Concello de Monforte de Lemos ao comezar un novo mandato corporativo.

Analizado informe de Secretaría Xeral, desta data, do tenor literal seguinte:

*PRIMEIRO.- O Artigo 20 da Lei 7/1985, de 2 de abril reguladora das bases do réxime local dispón:1. A organización municipal responde ás seguintes regras:*

*a) O Alcalde, os Tenentes de Alcalde e o Pleno existen en todos os concellos.  
b) A Xunta de Goberno Local existe en todos os municipios con poboación superior a 5.000 habitantes e nos de menos, cando así o dispoña o seu regulamento orgánico ou así o acorde o Pleno do seu concello.*

*c) Nos municipios de máis de 5.000 habitantes, e nos de menos en que así o dispoña o seu regulamento orgánico ou o acorde o Pleno, existirán, se a súa lexislación autonómica non prevé neste ámbito outra forma organizativa, órganos que teñan por obxecto o estudo, informe ou consulta dos asuntos que han de ser sometidos á decisión do Pleno, así como o seguimento da xestión do Alcalde, a Xunta de Goberno Local e os concelleiros que ostenten delegacións, sen prexuízo das competencias de control que corresponden ao*

*Pleno da Corporación*

*Sesión organizativa 22.06.2023*



*Pleno. Todos os grupos políticos integrantes da corporación terán dereito a participar nos devanditos órganos, mediante a presenza de concelleiros pertencentes aos mesmos en proporción ao número de Concelleiros que teñan no Pleno.*

*d) A Comisión Especial de Suxerencias e Reclamacións existe nos municipios sinalados no título X, e naqueloutros en que o Pleno así o acorde, polo voto favorable da maioría absoluta do número legal dos seus membros, ou así o dispoña o seu Regulamento orgánico.*

*e) A Comisión Especial de Contas existe en todos os municipios, de acordo con a estrutura prevista no artigo 116.*

*2. As leis das comunidades autónomas sobre o réxime local poderán establecer unha organización municipal complementaria á prevista no número anterior.*

*3. Os propios municipios, nos regulamentos orgánicos, poderán establecer e regular outros órganos complementarios, de conformidade co previsto neste artigo e nas leis das comunidades autónomas ás que se refire o número anterior.*

*SEGUNDO.- Nin na Ley 5/1997 de 22 de xuño de administración lcoal de Galicia, nin o Regulamento orgánico do Concello de Monforte de Lemos, aprobado pro acordó de Pleno do 30 de decembro de 2019, contempla unha organización distinta recollida no art. 20 da LRBRL,*

*TERCEIRO.- O Artigo 21 da LBRLL, dispón que:*

*2. Corresponde así mesmo ao Alcalde o nomeamento dos Tenentes de Alcalde.*

*3. O Alcalde pode delegar o exercicio das súas atribucións, salvo as de convocar e presidir as sesións do Pleno e da Xunta de Goberno Local, decidir os empates co voto de calidade, a concertación de operacións de crédito, a xefatura superior de todo o persoal, a separación do servizo dos funcionarios e o despedimento do persoal laboral, e as enunciadas nos parágrafos a), e), j), k), l) e m) do apartado 1 deste artigo. Con todo, poderá delegar na Xunta de Goberno Local o exercicio das atribucións contempladas no parágrafo j).*

*CUARTO.- O Artigo 23 da LBRLL, dispón que:*

*Pleno da Corporación*

*Sesión organizativa 22.06.2023*



*1.- A Xunta de Goberno Local intégrase polo Alcalde e un número de Concelleiros non superior ao terzo do número legal dos mesmos, nomeados e separados libremente por aquel, dando conta ao Pleno.*

.....  
*4. O Alcalde pode delegar o exercicio de determinadas atribucións nos membros da Xunta de Goberno Local e, onde esta non exista, nos Tenentes de Alcalde, sen prexuízo das delegacións especiais que, para labores específicos, poida realizar en favor de calquera Concelleiros, aínda que non pertencesen a aquela.*

Con base no citado informe, en virtude das atribucións que me confire o art. 21 da Lei 7/1985, de 2 de abril, reguladora das bases do réxime local e nos artigos 43, 44, 46 e 52 do Regulamento de Organización, Funcionamento e Réxime Xurídico das Entidades Locais (ROF), aprobado por Real Decreto 2568/1986,

DISPOÑO:

PRIMEIRO.- Nomear membros da Xunta de Goberno Local aos seguintes Concelleiros/as, que conformarán dito órgano xunto co Sr. Alcalde que o preside:

- Dona Gloria María Prada Rodríguez
- D. Ibán Torres Rodríguez
- D<sup>a</sup> M<sup>a</sup> Pilar Espinosa Novelle
- D. José Luis Losada Fernández
- D<sup>a</sup> Marina María Doutón Rajo

SEGUNDO.-Nomear Tenentes de Alcalde aos seguintes Concelleiros/as, membros da Xunta de Goberno, que substituirán regulamentariamente ao Sr. Alcalde pola orde en que son designados:

- 1<sup>a</sup> Tenente de Alcalde e coordinadora do equipo de Goberno: Dona Gloria M<sup>a</sup> Prada Rodríguez
- 2<sup>a</sup> Tenente de Alcalde: D. Ibán Torres Rodríguez

TERCEIRO.- Efectuar as delegacións especiais do servizos que se indican, facéndose constar que os servizos que non son obxecto de delegación por ser xestión da propia Alcaldía, son os seguintes:

#### URBANISMO

*Pleno da Corporación*

*Sesión organizativa 22.06.2023*



INFRAESTRUTURAS  
PROMOCIÓN ECONÓMICA, COMERCIO E  
TURISMO

- 1ª Tenente de Alcalde, Dª Gloria Mª Prada Rodríguez:

FACENDA  
RÉXIME INTERIOR  
SERVIZOS SOCIAIS E DISCAPACIDADE.

- Concelleira, Dona Mª Pilar Espinosa Novelle:

SANIDADE E DROGODEPENDENCIAS  
TRÁFICO E MOBILIDADE

- Concelleiro, D. José Luis Losada Fernández:

MEDIO AMBIENTE  
OBRAS  
MEDIO RURAL  
SERVIZOS (ABASTECIMENTO DE AUGA,  
SANEAMENTO, RECOLLIDA DE LIXO, LIMPEZA VIARIA,  
CEMITERIO E ILUMINACIÓN PUBLICA)

- Concelleira, Dona Marina Mª Doutón Rajo:

CULTURA  
ENSINO  
XUVENTUDE

- Concelleiro, D. José Manuel Mougán Sobredo:

DEPORTES

- Concelleira, Dª Regina López Arias:

CONSUMO

- Concelleiro, D. Guillermo Díaz Aira:

TECNOLOXÍA E INNOVACIÓN

- Concelleira, Dª Margarita López Rodríguez:

MULLER E IGUALDADE



CUARTO.- As Delegacións especiais recollidas no apartado terceiro da parte dispositiva desta Resolución comprenderán a dirección interna e a xestión dos servizos correspondentes, pero non incluírán a facultade de resolver mediante actos administrativos que afecten a terceiros.

QUINTO.- Os nomeamentos e delegacións deste Decreto surtirán efectos dende o día seguinte a súa data, sen prexuízo das preceptivas publicacións no Boletín Oficial da Provincia de Lugo e dación de conta ao Pleno. “

Intervén o Sr. Alcalde comentando e explicando as resolucións da Alcaldía.

Intervén D. Jaime Germán Vázquez gustaríalle saber como ten que pedir para ter unha reunión ou xuntanza se ten que dirixirse a vostede ou como teñen que facer.

Intervén o Sr. Alcalde dicindo que el non pode ter reunión con departamentos, vostede é un órgano político, se necesita algunha información a pide por escrito, vostede non pode falar cos funcionarios, a información a pode solicitar por rexistro e hai que darlla como ten dereito, vista e copia dos expedientes. Nos plenos, vostede le o ROF non pode preguntar directamente ao Secretario nin ao Interventor, vostede pode pedirle ao alcalde que faga esa consulta. En todo caso, esto non é o tema das resolucións.

Sometido a votación apróbbase por maioría con once votos a favor dos concelleiros/as do Grupo Municipal do PSOE e do concelleiro do Grupo Municipal Grupo Mixto-Esperta Monforte e seis abstencións dos concelleiros/as do Grupo municipal do PP e dos concelleiros do Grupo Municipal do BNG.

## **7. RÉXIME DE DEDICACIÓNS DOS MEMBROS DA CORPORACIÓN LOCAL, E ASIGNACIÓNS ECONÓMICAS CORPORATIVAS.**

Dáse conta de proposta da Alcaldía de data 19 de xuño do 2023 que sinala:

“PRIMEIRO.- Fixar o réxime de dedicacións de membros da Corporación do xeito seguinte: 2 dedicacións exclusivas, 1 dedicación exclusiva que poderá desenvolverse en réxime de dedicación parcial de 75%, 50% ou 25 da xornada.

SEGUNDO.- Os membros da Corporación que desenvolverán as súas funcións en réxime de dedicación, exclusiva ou parcial, serán determinados por resolución da Alcaldía.

TERCEIRO.- O réxime retributivo para cada unha das dedicacións exclusivas será o seguinte: unha dedicación exclusiva percibirá a cantidade de 56.000 € anuais (14

*Pleno da Corporación*

*Sesión organizativa 22.06.2023*



pagas), unha dedicación exclusiva percibirá a cantidade de 41.000 € anuais (14 pagas) e unha dedicación exclusiva percibirá 41.000 € anuais (14 pagas). Ésta última poderá ser dividida en dedicacións parciais de 75%, 50% ou 25 da xornada, segundo se determine por resolución da Alcaldía. A ditas cantidades aplicaráselle os incrementos anuais que a Lei de Orzamentos Xerais do Estado estableza para os empregados/as públicos/as. Con efectos económicos dende o día da toma de posesión (17 de xuño do 2023).

CUARTO.- Fixar a percepción por asistencias a órganos colexiados, que lles corresponderán aos membros da Corporación, sen dedicación exclusiva ou parcial, en 150,00 € por asistencia a cada sesión do Pleno, da Xunta de Goberno Local ou das Comisións Informativas, así como por cada reunión da Xunta de Portavoces.

QUINTO.- Os membros da Corporación percibirán indemnizacións polos gastos ocasionados no exercicio do cargo (dietas e locomoción) segundo as normas que se aplican aos funcionarios públicos, con asimilación ao grupo 1 do Real Decreto 462/2002.

CUARTO.- Asignar aos Grupos políticos municipais a seguinte dotación económica:

Compoñente fixo: 300,00 € por mes. Idéntico para tódolos Grupos.

Compoñente variable: 100,00 € por membro do Grupo e mes. “

Prodúcense as seguintes intervencións:

Intervén o Sr. Alcalde sinalando as dedicacións exclusivas que haberá serán tres, dúas dedicacións, e unha terceira está aí, por si fixera falla nun momento dado, que se podería utilizar ao 25%, 50% ou 75%. En canto ao personal eventual propónse dúas en vez dun, no pasado mandato había un, a idea é facer como no caso dos políticos, non utilizala pero deixar prevista a súa aprobación por si en momentos puntuais fai falla reforzar con outra persoa. Fala das asignacións a grupos políticos, o que se incrementa é a asistencia a plenos e comisións que pasaría de 100 a 150 euros, sendo os Concellos máis baixos.

Interveén D. Jaime Germán Va'zquez gustaríalle saber porque hai ese incremento do 50% nos traballadores, porque si é certo en novembro, fixeron unha suba do 6,10%, pero non entenden que de maio a xuño cal é a diferenza. No dos 150 para os plenos pode ser comprensible pero nas comisións parécelle unha esaxeración.

Intervén o Sr. Alcalde se vostede colle as dedicacións noutros Concellos están por riba, non se trata de porcentaxes é unha decisión política. Cre que a xente que se dedica á política ten que ter un soldo digno, el pode dicirlle que hai aquí no Concello hai 5 funcionarios, tres cobran bastante máis que neste caso que a tenente alcalde e dous cobran igual, se a maior responsabilidade é do goberno, que quere

*Pleno da Corporación*

*Sesión organizativa 22.06.2023*



que lle diga. No caso da outra dedicación de 41.000,00 euros, hai outros cinco que están por riba e outro que está ao mesmo nivel, entón se aquí alguén vota 12 horas e ten a responsabilidade que ten, hai que remuneralo, sobre todo se se quere dignificar a política, xa bastante degradada está, é unha decisión del, por iso quere que teñan unha renumeración axeitada. Se vostede colle o presuposto pode ver os salarios dos funcionarios e do persoal o pode ver.

Inervén D. Jaime Germán Vázquez pregunta porque non o fixo no 2019, non o entende, se lle parece que era denigrante 44.000,00 euros. Pero a maiores, a vara de medir coa RPT é ben diferente, o primeiro que fai é subir un 10,5%, o que lle gustaría e que todos os monfortinos gañasen 56.000,00 euros.

Intervén o Sr. Alcalde dille a D. Germán non entendeu nada, que pasou coas eleccións sindicais, que aqueles que dicían que os sindicatos estaban en contra desaparecen do mapa, quenes votaron foron os traballadores. No pleno de organización do 2019 considerouse aquilo, e agora consideran esto, non están mirando para o seu bolsillo, está mirando para outros compañeiros, o que vai líquido na nómina son menos de 2.700,00 polo tanto non falen de cousas, que parece que son unha e son outra. Vostede D. Germán non ten a palabra, non lle vai consentir, hai que ser respectuoso. Non houbo ningún traballador que perderá un euro na RPT, non pode dicir iso.

Sometido o asunto a votación apróbbase por maioría con dez votos a favor dos concelleiros/as do Grupo Municipal do PSOE, seis abstencións dos concelleiros/as do Grupo Municipal do PP e dos concelleiros do Grupo Municipal do BNG e un voto en contra do concelleiro do Grupo Municipal Grupo Mixto-Esperta Monforte.

## **8. DESIGNACIÓN DE PERSOAL EVENTUAL. DACIÓN DE CONTA DA RESOLUCIÓN.**

Dáse conta de proposta da Alcaldía de data 19 de xuño do 2023 que sinala:

“PRIMEIRO.- Determinar que o número, características e retribucións do persoal eventual do Concello de Monforte de Lemos, sexa o seguinte :

- A) Número: DOUS
- B) Adscripción e características: As que se determinen a resolución da Alcaldía de nomeamento
- C) Retribucións: 31.000 € (14 pagas), as que se lle aplicará o incremento anual establecido pola Lei de Orzamentos do Estado.
- D) Substitucións: Poderán ser substituídos/as en caso de enfermidade, vacante ausencia, sempre que exista dotación orzamentaria suficiente.”



Interven D. Emilio José Sánchez para facer unha reflexión ou unha proposta, eles neste punto, é coñecedor do traballo que fai o persoal de confianza, se hai dúas asignacións, e pediría de cara ao futuro, de que as redes Sociais do Concello se abran máis aló do que é únicamente corporativo, por exemplo, non é o primeiro caso, que nalgún evento non aparece a foto, e despois que a redes do Concello se utilicen para promocionar eventos que haxa no concello doutras asociacións culturais, deportivas. Que se valore esa posibilidade de ampliar as redes sociais, que da traballo, abríndose máis aló do que é corporativo.

Intervén D. Jaime Germán Vázquez di que iso xa o trouxeron eles, algunhas cousas se lle corrixen, sigan facendo o que queiran, é unha cantada manifesta o do Facebook, non son capaces, van ver se son quenés de facelo, dun xeito construtivo.

Intervén o Sr. Alcalde dicindo que mire vostede a páxina da Xunta de Galicia, di que cre que o grupo parlamentario do grupo socialista e do bloque nacionalista galego non saen na xunta, mirar en calquera goberno, ou en calquera concello do lado, escoitar estas cousas é para rirse.

Intervén D. Emilio José Sánchez di que el dixo doutras asociacións culturais, di que eles hoxe eles teñen un acto público donde o concello colabora con eles, e é unha actividade que se podería publicitarse, é moi complexo e pódese facer, a xente utiliza máis as redes sociais para enterarse das cousas.

Intervén o Sr. Alcalde dicindo que o Facebook é do concello, non das asociacións.

(antes da votación abandona o salón de plenos o concelleiro D. Jaime Germán Vázquez Pérez).

Sometido o asunto a votación apróbbase por maioría con dez votos a favor dos concelleiros/as do Grupo Municipal do PSOE, seis abstencións dos concelleiros/as do Grupo Municipal do PP e dos concelleiros do Grupo Municipal do BNG.

Antes de levantar a sesión o Sr. Alcalde informa que o próximo día 5 de xullo ás 14 horas haberá un pleno extraordinario para aprobar a bonificación do ICIO de dúas empresas unha é do camping da zona de Gullade e outra é do Polígono, como en ambos casos cumpren, van crear máis de seis postos, a que está fóra do polígono, a idea é de concederllo polo motivo que esa actividade non ten cabida nun polígono industrial, se pode asimilar, non é un tema de utilidade pública, se estivera no casco urbano a ordenanza prevé unha porcentaxe menor de bonificación.

Non habendo máis asuntos a tratar, o Sr. Alcalde-Presidente levanta a sesión sendo vinte horas e trinta e nove minutos do expresado día, de todo o cal eu, Secretario, certifico.

*Pleno da Corporación*

*Sesión organizativa 22.06.2023*





CONCELLO DE  
MONFORTE  
DE LEMOS

**Secretaría**

Vº e pr.  
O Alcalde,

José Tomé Roca

*Pleno da Corporación*

*Sesión organizativa 22.06.2023*

*Páxina 17 de 17*